

天  
台  
山  
全  
志

來遊不是忘機客誰到雲峰第一層

周賀

人字

國清寺

一宿五峰杯渡寺虛廊中夜磬聲分疎林未落上方月  
幽澗忽生平地雲高鳥背泉生靜景遠人當燭想遺文  
暫來此地歇勞足望斷故園滄海濱

洪适

國清寺

物外千年寺人間四絕名兩廊諸嶽色九里亂松聲海  
氣標僧院秋鐘徹縣城夜來疎磬斷月影遍樓清

其三

紺宇今方盛，明知國已清。  
萬松九里影，雙澗四時聲。  
杖策將窮覽，巾車不計程。  
登山堂更好，人去曉猿驚。

又絕句

平生幾讀興公賦，今日霞標對赤城。  
此是南門入山路，祇應乞我一番晴。

史 蘊

人字

國清寺

十里松關路，門開對洞天。  
山神曾獻地，海衆此安禪。  
鐘磬開巖谷，樓臺跨石泉。  
高峰智者塔，長與赤城連。

王宗元

人字

國清寺

古寺畱遊跡松濤和我詩石容流水過山礙野雲飛雅飲逢秋好豪吟恨月遲暢師閒話久一笑却忘歸

魯

穆

天台人字希文承樂丙戌進士官至僉都御史著有竹素游思等集

遊國清

歸來曾幾日又復經飲餞邂逅會同襟攬轡相繚繞約我以遊娛登臨歷陵緬溪徑夾萬松陰森繞密箭雙澗瀉鳴琴五峰歷層巘寒山有遺踪茫茫誰能辨仰止思靡馳習險情還展棲志託幽深濯纓俯清淺金素澄紺

園光風蕩蘭畹良覩欣晏如妙契覺元闡飄然物外趣  
緩步歸慮欵道遙極良晨煩襟足取遣願續興公篇騁  
詞媿連蹇

杜寧

國清寺

松檜陰森古木深雨花亭外足行吟南朝風景來青眼  
方外交游慙素心黃菊葛巾陶令酒高山流水伯牙琴  
長安見說春江水花落依然是綠陰

范理

偕杜內翰國清

飄飈隨薄宦茲遊久已疎纔從松徑入便覺心境舒稍  
稍卽幽祕荒宇凌空虛五峰森羅列晴嵐滴襟裾寒泉  
落幽澗左右相縈紆雞犬復寥寥麋鹿馴庭除翛然人  
世外不覺輕名譽况偕金闇彥清論飛瓊琚許身旣王  
事瞻眺徒躊躇相期在歲晏卜築來此居

夏 墮

天台人字宗成景泰辛未進士官至副都御史

國清寺

佛殿僧房鎖夕暉重來又是十年期若教坐石論興廢  
只有青山似舊時

盧 濬

遊國清寺

五峰聯兩澗萬古此奇山自笑風塵客偷來半日閒

其二

昨醉山頭酒今登門外山鳥從黃葉度人共白雲閒

其三

落照催歸鳥寒松伴舊山青雲南北路誰似老僧閒

夏 錄

國清寺

縣埤入北川原好九里煙霞小洞天雙澗雲飛珠溜合  
五峰晴颺繡雲連粘衣淨鉢看蜂墜背月幽林妬鶴眠

遠興未忘心意懷白頭先愧此山泉

洪珠

人字

宿國清寺

看山隨所適蒼嶺又天台渴飲湫中水餓食石上苔寺  
幽嫌俗客僧老共清懷莫問寒山事恐知刺史來

鄭善夫

同夏赤城遊國清

清曉布袍沿澗入黃蒿古殿雨濛濛頓能自拄蒼玉杖  
便擬分眠紫極宮二字空箜篌草色五峰芳樹散雲容  
春來病骨一杯足未植蓮華煙雨中

蔡潮

臨海人字布政

進士官至雲南右

國清寺

橋橫雙澗寺門開爭得時時杖策來高塔倚雲標佛國  
好花迎客上仙臺香燈影裏人煙靜鐘磬聲中歲月催  
最喜山僧無俗事雨天移竹傍樓栽

王度

臨海人字津生嘉靖癸未進士官至湖廣布政子薩東字蓋竹任常州敎諭亦能詩

國清寺

連夜喜無塵土夢今朝果得國清遊古來風物依然在  
世外煙霞半已收荒殿僅存隋社稷斷碑還憶晉風流  
石梁况在清天外明日芒鞋我未休

陳堯

遊國清

躡屐來尋物外蹤桃源還許謫仙逢鶯聲盡合藤蘿路  
雲氣晴飛鶴鶴峰一水故繁丹洞口千花偏照玉人容  
石梁橋畔乘風去知上瓊臺第幾重

朱經

人字

遊國清寺

石磴穿林夾水遙芙蓉削玉隱岩峯萬松晚翠空中落  
八桂寒香雲外飄雨鎖頽垣迷舊蹟草埋殘碣憶前朝  
興來對月臨丹嶂飛夢還先渡石橋

何鳴鳳

人字

宿國清寺

古寺幽沉遠世塵浮圖突兀接青旻緣深方外逢高衲  
酒熟山中對故人水觸石稜雙澗響月欹松頂一痕新  
寒山竈下能容客擬托殘盂度此身

陳繼疇

人字

暮投國清

度嶺日半暝夕嵐起遙岑循澗窮磴危窵復崎嶇五  
峰秀堪挹雙流抱前襟廓落境界寬紛羅萬象森鴈堂  
煥崇構窣堵表叢林緬懷寒拾踪歷歷尚可尋智師卓

錫處寒泉但蹄涔  
耆宿代有人高風良足欽  
我本巢許徒入山  
恐不深所以秉燭遊不辭風露侵  
寺成國乃清吾以清我心

王立程

自國清金地嶺度幽溪

聽水穿雲路不同  
冷然雙翮馭秋風  
山腰出寺松杉密  
地肺藏碑雨露通  
金鷲影翻青鏡外  
玉蜺寒浴翠濤中  
平分僧榻畱空色  
落盡天花幾樹紅

李鍾嶽

南海人字

天啓間天台縣尉

國清寺

人去遺踪在國清至今仙竈白雲生欲尋寒拾應難識  
無復豐干道姓名

陳函輝

還國清寺書贈了明上人

國清清不了山鳥各能言虎過雲爲穴僧歸月在門竈  
能藏乞士泉可汲曹源暫借禪房宿燒豬有了玄

寒拾舊竈

漫撥寒山火星星大地灰一燈傳不盡片石夢初回殘  
瀋諸香飯孤僧般若臺閻丘空馬跡丹嶂肯重開

何紜度

遊國清寺

振衣凌淨域縱目遠塵氛秋色一溪轉松聲兩岸聞荒  
臺穿鳥雀古塔淡煙雲言念經行客誰從寒拾羣

洪若臯

自國清之高明

不知松徑去老衲指巒屹晴日孤峰迥晨風五月寒曲  
橋飛斷坂峻嶺傍危灘遙望千山底招提萬丈看

張元聲

國清寺

崢嶸古寺五峰隈夾道松陰十里開人向雲窩招白鹿

路從仙窟踏青苔荒涼踞虎亭前月惆悵寒山竈下灰  
堂上老僧方說法也同子弟論非臺

潘未

國清寺

台山一萬重帝割爲佛國刹院如星羅國清最雄特地  
從山神獻構自天家力劫火幾創殘規畫猶整飭山門  
役神工眾恩淨如拭塔垂三天語松結太古色涌空一  
沼清透霧諸峰直大雲昔昔雨人華此側塞神龍孕其  
珠金翅不露翼像教有興衰覺路無荆棘至人每同塵  
對面難測識松門虎一聲喚醒三生黑

仇兆鰲

國清寺

爲探台嶽勝得到國清來古塔搖蒼漢靈芝拂上台松  
聲青嶂落霞氣赤城迴竚賞情何限春禽故故催

其二

問道寧辭遠懷人亦在斯寒山初振響曇噩最能詩雙  
澗凝眸碧孤亭得句遲蜂頭雲不散又是雨來時

至國清連日大雨欲爲華頂石梁之遊不可得賦

詩一首

平生愛名山濟勝本有具天台處四明浩興欲騰翥不

惜整芒鞋此情豈猶豫方作幽溪遊又欲五峰據寒山  
竈尚存普明泉未淤從此躡天根窮搜復誰禦華頂插  
霄漢江海供一顧石梁青葛苔樞衣灑然度瑤房與璇  
室任予獨寐寤羽人正相招山靈忽見妬黯黯雲乍沉  
騰騰雨如注烹盡小溪茶煮盡明瓊芋助彼瀑聲驕三  
日不肯住甘向世情疎恨與游筇悟青蓮夢可通吾將  
導歸路安得閻闔風一爲驅霾霧

張聯元

國清寺

拾翠途頻折循池又幾盤澗湲憐振錫縹渺度迴瀾松

勁風聲遠山高瀑影寒琳宮十畝外盡鎖碧琅玕

其二

勝遊多逸韻心賞得煙鬟雨過泉彌急雲飛塔自閉寺成懷灌頂竈冷憶寒山爲問閭丘跡當年此往還

又七言律

古寺樓臺許一躋幽尋惟此足幽棲青松樹參雲影疎磬聲聲間鳥啼金地高懸丹竈外霞城靜抱五峰西吟詩已與紅塵隔欲訪寒山徑又迷

其二

雙泉匯湧出山腰數折奔流下石橋仄徑橫拖鼈背骨

寒聲亂捲海門潮林深古寺藏幽窅翠聳孤亭對沈寥  
一宿招提萬緣靜枕前濤響徹清宵

顏允珏

國清寺

客思入丹梯幽尋路不迷寺誇四絕久雲壓五峰低金  
闕新篁北霞城碧樹西半山瀑更好乘興爲攀躋

許君徵

新春遊國清寺

空王臺殿鬱崔巍此日登臨淑景開冰解佩聲雙澗落  
雪消黛色五峰來松關風度聞清梵石竈苔荒冷劫灰

欲過虎亭尋舊跡夕陽林外晚鐘催

朱潮

國清寺

八桂長含秀春蘭正吐芬溪幽憑漱石樓敞只棲雲遠  
溯陳隋跡還思寒拾羣玉京標咫尺狂嘯立斜曛

釋懷讓

國清寺

遠向天台訪五峰短筇扶入翠重重溪風滿寺散微雨  
秋色一簾橫古松童子倚門長喚鶴老禪談法解降龍  
嬉遊何日更相遇雲逐水流無定蹤

釋木菴

國清寺

錫杖挑雲下翠微深深禪榻鎖斜暉石鋪月色水流出  
山隔鳥聲風送歸縷縷篆煙騰石鼎霏霏嵐翠濕人衣  
六塵頓覺無根蒂長嘯一聲驚鶴飛

釋明統

國清寺

絳色繽紛塵海隔支提千尺頂中天隋唐人去遺碑在  
寒拾臺荒蔓草連密樹罅通紅日下飛泉上有白龍眠  
緬懷一行當年事雙澗何曾見逆泉

釋德榮

國清寺

竹院深深近翠微  
短簾時墜掩斜暉  
香殘瓦鼎僧初定  
月上松巢鶴未歸  
落澗祇爲煎茗水  
飛雲難作坐禪衣  
客遊正值春將半  
風落桃花片片飛

三賢堂詩

楊傑

無爲人字次公官尚書主客郎中提點兩浙刑獄

三賢堂

從來清淨土  
鼎足聖賢聚  
騎虎歸故鄉  
世人猶未悟

其二

家在天台寺雲巖萬丈潭本來人不識饒舌是豐干

其三

拾得元無姓山中拾得來手攜一弊帚不是掃塵埃

錫杖泉詩

王立程

錫杖泉

雲深紺殿鎖天台飛錫何年去不迴古樹無枝欹白石  
殘碑有字臥蒼苔龍池噴玉僧誰在鳥道捫蘿客自來  
莫訝禪宮半銷歇曇華猶傍翠微開

高明寺詩

王範

人字

遊高明寺

偶來穿竹徑邇迤叩山名怪石堆成洞幽泉噴作聲看  
雲僧入定冒雨客偕行一夜曇華發靈根何處生

洪适

高明寺

振策快秋晴伽藍倚翠屏看雲不留瞬對竹已忘形銀  
地聲千載虹橋拱百靈至今鐘磬響如講淨名經

龐櫟

人字

高明寺

春日幽溪上崖花照眼紅路盤深谷裏寺隱萬山中雲  
外開重嶂橋頭蔭古松我來新雨霽谿上夕陽春

陳宏

天台人字廷受號竹窗著有竹窗稾

高明寺

高明宮殿鎖煙霞水繞山迴自一家石甃有泉流玉液  
瓊臺無路覓丹砂黃犧夜嘯千村月白鹿春眠一洞花  
最喜道人能愛客幾回畱我飯胡麻

葉良佩

高明寺

聞說幽溪上崖花照眼紅路盤深谷裏寺隱萬山中雲  
外開重嶂橋頭蔭古松我來新雨霽谿上夕陽春

酒渴行窺卓錫泉法鼓半空天路近霞光滿逕赤城連  
老僧相送重巖外我有柴桑舊日緣

何紜度

同宿高明寺

碧天幽處敞香臺萬壑千崖擁復開客在上方看月靜  
僧持半偈踏雲來珠林風動凌黃鶴石洞秋深長綠苔  
向夕鐘聲縹緲度幾人蓮社待宗雷

施閏章

高明寺

四山深翠裏天豁一招提路入藤陰合簾飛花雨低神

猿依古洞馴虎過幽溪明日等華頂重攀萬丈梯

自高明寺之石梁道中得八韻

雨過仍霑霧寒空不易晴巖雲成蜃市人語歇泉聲斷  
石峰頭墜陰霓杖底生蛟宮僧獨住熊館客誰行十里  
藤蘿暗秋毫性命輕籃輿頻折疊徒御屢喧爭謝守游  
山日劉郎採藥情俄聞石梁到萬籟一時鳴

潘耒

高明寺

昔聞無盡師義學之龍虎力振天台宗道風秀南土竭  
來造幽溪遺跡猶可覩纘紛爾蘂堂一燈燦諸祖教觀

羅百家珠淵而玉浦林嵐尤秀絕深綠藏一塢山環來  
無門溪折去無所寂寂松關春濛濛竹陰午佛入法華  
定天開青蓮宇得遊非小緣暫面皆夙侶誰舒一握雲  
去作彌天雨

仇兆鰲

高明寺

寺倚最高峰經幢認舊蹤溪幽宜卓錫夢醒爲聞鐘夜  
月禪心靜春雲客興濃如何山雨驟不得到天封

許君徵

高明寺

古寺幽溪勝能揚智者風千山圍紺殿一水遶琳宮講席明珠燦禪房玉鑑空欲尋方廣去咫尺石橋通

大慈寺詩

葉清臣

大慈寺

佛隴山沉茂草平林間猶作誦經聲一心三觀休分別秋靜山高海月明

陸煥

人字

大慈寺

天下紛紛吹戰塵我來佛隴悟脩真依然猿鶴如相賦

知是山中幾世人

王十朋

大慈寺

嵬嶺迢迢入翠微，梵宮佛殿鎖煙霏。  
斷碑古寺曾經眼，剛笑陳隋事已非。

趙師房

寧海人字會叔淳熙二年進士提點四川茶馬

大慈道中

青苔生滿路人跡，至應稀小寺。鳴鐘曉深林，透日微野。  
花春後發山鳥澗中飛，或有相逢者。多應採藥歸。

清心寺詩

曹文晦

清心寺

夏日清心寺蕭蕭樹石佳高人畱別院幽意滿空齋松  
偃新移路因臨欲墜崖五年纔一過白首爲興懷

慧明寺詩

潘耒

慧明寺

台遊例不到蒼山我爲耽奇肯憚艱觀瀑深穿棲鶴嶺  
尋僧遠扣宿雲關聖師遺蹟麻牋古閨代畱鐘碧蘚斑  
洞是林稍出明月清光絕勝在人間

廣潤寺詩

曹學程

人字

廣潤寺

問俗郊行晚停騶海上山潮隨月初湧僧共白雲閒越  
矯年無警花村夜不關青青麥秀野一望且舒顏

宋奎光

人字

廣潤寺

攀嶺尋山寺籃輿過石城峰迴雲氣渺林密水痕清忽  
覩諸天近阪心覺地明譚經惟止止臨去一鐘聲

崇福寺詩

杜

洞

山東濱州人字  
令有梁王寺詩

康熙二十二年任寧海

崇福寺

相傳建業起風煙翠輦曾來此洞天應是武皇偏佞佛  
至今蕭寺尚啼鵠鶴歸休話千年事客至惟參一味禪  
慚我偶因華轂便蒲團暫借息塵緣

天封寺詩

陳函輝

天封寺

靈墟遺蹟在策杖一尋之野蔓衣磐石寒榛綴古碑逕  
通深竹裏人上斷橋時問往添惆悵曾無葛大悲

陳公輔

臨海人字國州政和三年上舍及第累官徽猷閣待制有文集奏議行世

天封寺

晴雲漠漠水潺潺危閣春歸白日閒若問祖師消息處  
眼前環列是青山

鮑復泰

天封寺

從來稱淨土此處是天封飛錫靈墟遠翻經貝葉重安  
禪藏世界說法啓蓮宗共坐紅塵隔風高嶺外松

潘未

天封寺

層巒如驚波琳宮壓其上結構旣崇宏面勢仍清曠胸  
臨大壑寬眼到層樓放端嚴前山朝洶湧一溪漲晴雲  
俯千盤高松摩十丈笑語飄天風翛然覺神王片石趺  
聖僧雄刹自天刲中更幾廢興成毀由心匠賢哉智嶺  
尼所作乃過量碌碌豈丈夫臨風默惆悵貴州魏學士  
戎妻總戎死難夫人棄家爲尼號自覺  
道行清高實新此刹所居名智嶺菴

白巖寺詩

余世安

人字

白巖寺

來宿白巖寺新秋夜氣清半窗橫月色一枕送蛩聲果

熟僧先具醪佳客盡觥驅馳覓幽勝不必問山名

慈雲寺詩

晁公爲

慈雲寺

雲間龍攫千尋幹地底雷奔萬仞泉寄語廬山舊遊客  
箇中端不讓棲賢

長壽寺詩

方 璞

人字

長壽寺

僻徑少人踪穿雲古寺通泉鳴雙澗底興發萬山中筆

媿鶩遊水身疑鶴憩松齋題行跡在長嘯出寒峰

護國寺詩

錢惟濟

人字

護國寺

穹窿台嶽壓重溟中起青鸞接福庭微妙天花經雨墜  
清涼甘露隔霄零金繩界道連飛瀑碧樹周阿繞翠屏  
異日功成解纓去會騎猿鶴伴山靈

錢惟濟

人字希聖吳越王俶之子官至崇信軍節度使

護國寺

峻極壓滄溟清居聚百靈重門深闕遂絕澗遠沉冥客

問無生法人遊不死庭何當謝簪組鳥道駕飛輶

周振

武進人字

嘉靖十一年任天台令

護國寺

碧雲紅樹萬山秋  
躡磴攀蘿徑轉幽  
斜日荒荒巖際下  
細泉淺淺寺前流  
蕭梁賜額名猶在  
石塔藏碑字尚留  
千載廢興真夢幻  
清燈夜雨思悠悠

郭鐸

人字

遊護國寺

木屐拖雲入翠微  
碧沙瑤草路依稀  
遠山飛翠粘吟袖  
落瓣飄紅點客衣  
老壁塵昏題已失  
小窓僧定鶴初飛

我來年識禪家味  
自尋重封雙扇屏

潘未

贈護國寺夢帆禪師

忘山忘院坐逍遙  
日酌桃溪水滿瓢  
却怪照師多一喝  
眼明從不見金橋

其二

導客重重入畫圖  
亂雲撥盡碧峰孤  
杖頭說法人聞否  
親到桃源一樹無

接待寺詩

陸寶

人字

接待寺

山程無驛吏談笑喜逢僧貌古將如肅身輕不杖藤煮茶供茗碗拂石坐松棚興到成孤詠來遊記我曾

劉端

人字

接待寺

細路煙雲裏空山見草廬吾人憐泡影仙子本安居寒雨歸心速秋山客鬢疎長懷舊知己何日雜樵漁

張銑

接待寺

面面山無罅行行路正縣松闌迎客屐竹徑認僧家餞

贈  
薰  
跡  
栗  
香  
分  
陸  
羽  
茶  
更  
憐  
楓  
葉  
赤  
摘  
葉  
過  
春  
葩

方廣寺詩

楊蟠

章安人字公濟舉進士密和二州推官又爲杭州判官最後知壽州有詩數千篇

方廣寺

金毫五百幾龍尊隱隱香山聖迹存方廣寺開無俗路  
優曇華現有靈根一峰突岸臨天壁雙澗淙橋透石門  
今日不將心洗盡更從何處覓真源

孫何

方廣寺

六月巖崖似九秋興公辭賦好淹留杉松迤邐連華頂

鐘磬依稀近沃洲枕水古碑卿相換拂雲新刹帝皇脩  
高僧盡解飛金錫誰是當年白道猷

姚學

人字

方廣寺

萬派鏗鎚走電車跨巖崿螺玉虹斜靈禽飛下傳消息  
五百甌中結茗花

夏魯

天台人字

宣德乙卯舉人臨安教授

方廣寺

招提隱隱翠微中知是空山第幾重望入暝朦惟見日  
坐餘暉曖曖但聞鐘濕雲長護千峰雪晴露深埋兩岸松

更涉峩峩躋絕蘠孤猿啼月竟無蹤

萬年寺詩

楊傑

題妙蓮閣

天台有新閣勝地近塔廟影浸碧琉璃沿回出山嶠蓮生於泥中白日有明竅花寔相表裏光色互炳耀處空不染著烈火豈能燎寶藏諸如來端坐演法要清目付上士不待舉花笑芬香初洞達宿病已能療淨土記珍苞機感願力召三時有開法一本常寂照不讀智者書豈知此蓮妙

羅適

妙蓮閣

華頂西邊天姥東妙蓮開閣對羣峰清含銀漢三千界  
香透金庭第八重畫棟有聲啼海燕澄波無影睡蛟龍  
夜深講罷何人見雲在青天月在松

張舜民

鄉州人字芸叟中進士第官集賢殿脩撰

妙蓮閣

休論雪竇與雲峰且看天台劍戟叢萬水千山來閣上  
一華六葉見池中誰將色界填空界不離香風席祖風  
有底妙蓮談不盡却成賦筆與聽公

陳知采

人字

萬年寺

古寺來投宿雲巖第幾層有詩堪供佛無事且依僧小閣泉喧枕脩廊雨暗燈好峰看未足幽夢幾回登

丁可

萬年福田莊卽事

隱居結屋障青山鎮日浮雲擁黛鬟一片隨風穿竹徑幾回扶杖立松關氤氳自與晴嵐合浩蕩應同白鳥還注目長空拋百慮此身無復較忙閒

張敦

人字

萬年寺

天外浮雲雲外山翠微深處鳥閒關風翻貝葉禪心定  
月照曇華客思閒錦軸牙籤今日錫玉函金典舊時頒  
醉餘行樂斜陽裏靜聽松泉一解顏

蔡潮

萬年寺

舊遊時日未能忘似有良緣到上方花梵鼓聲經雨暗  
竹爐茶氣煮雲香高僧愛客洗投轄老叟耽遊欲借牀  
閒引轆轤仙井近冰厨石壁漾天光

陳堯

萬年寺

竹樹滿祇園山深煙霧繁誰知居土室能駐使君軒石竇紅泉落天風白鳥飄無人伴幽寂獨坐已忘言

王廷幹

憩萬年寺

浚谷引芳輿禪宮展眺紆峰巒橫秀翠木竹湛青虛密葉隱屏阜涼風入野居樓臺猶昨日人物是秦餘

王宣

臨海人字敷言官御史

日暮抵萬年寺

合山高不極薄暮尚躋攀永向雲間路人從天際還捫

蘿轉絕壑坐石俯深灣  
檜竹僧房寂逢僧意自閒

林文相

人字

萬年寺

萬年古寺八峰間梧竹參差入徑閒白日尋幽有狂客  
青鞋薄暮扣禪關歸巢野鶴棲方定敲月山僧去未還  
欲借小樓吟夜雨磬聲寥落水潺湲

陳函輝

七夕入萬年寺訪雪堂主人和韻

蕭齋無雪有雲封躡蹠年年一過從此日管窺君子豹  
夜深鐘定老僧龍秋光七夕沉朱李路入千山伴赤松

尤喜碧天繩漢迴忘言相對印宗

潘耒

萬年寺

平田古寺聳層樓木繞山環步步幽  
一壑松杉雲外冷百函龍藏劫前畱  
賜衣天子難親到採藥山人快獨遊  
歸路不須愁黑月孤燈懸在萬峰頭

宿萬年寺

萬年寺裏暫棲遲歷盡千山道路危碑篆模糊蚪蚪蹟  
崖松偃蹇虎龍姿談元喜接霜臺客掃榻仍頃雪竇師

客路明朝又南北鴈湖何日更爲期

張聯元

自萬年之石梁兼歷方廣諸勝

朝從天姥行暮向平田宿探奇欲何之應真有芳躅澗  
水碧粼粼松風勁謾謾一顧奇峰挺四面崇山矗漸近  
曇華亭砰訇震空谷兩崖抱絕壑九天瀉飛瀑蛟綃織  
千尋驪珠騰萬斛又恐雲漢傾特駕虹霓束可望不可  
度龜脊蒼苔簇羽仙居彼岸瓊樓森在目俯視神骨驚  
斜窺跬步縮紆迥轉曲徑一洞賞葢竹行行向停眞新  
篁成密幄翹首靈境幻盡目興朱足斜陽標晚霞爽氣

冲朝旭鐘靜月明時衣襟寒露垂三島何茫茫萬山皆  
碌碌所期脫塵埃乘此友麋鹿

宿萬年寺

陟嶺丹霄近停車爽氣來松杉雙澗碧煙雨入峰回  
話陶清夜鐘聲接上台飄飄生逸興勝與訪蓬萊

又七言律

奇峰參錯喜初經古寺峩峩得暫停煙雨乍迴雙澗碧  
松杉近抱一樓青疎鐘不共泉聲亂野鳥還呼客夢醒  
世路紅塵飛不到神山奚必度滄溟

人字鴻陽

遊萬年寺

山均盤曲亂雲橫一徑斜通現化城芝護龍文宸翰麗  
貝翻象教俗緣輕寺多古樹名應舊客到禪關夢亦清  
紺殿却因歸路隔疏鐘猶送兩三聲

許君徵

萬年寺

浩劫藏初地深山敞梵天雲開丹閣迥日出翠陰連御  
寶圖書重紫衣金錫傳賜經駛白馬聖母祝堯年

李肇斌

字士雅錢塘人

宿萬年贈紀菴致中兩禪師

嶺上遙聞仙梵音  
悠然徑滌塵襟已無寶蓋藏蓮閣  
藉有平田駐道林  
詩卷吟餘翠嶂曉蒲團坐破碧雲深  
清談盡日情彌永  
蓮社相期爲再尋

闡法寺詩

夏 錄

遊闡法寺

青峩白帽出門間  
便濟深溪望遠山  
滿地野香隨手過  
一潭晴影看雲還

許君徵

遊闡法寺

空王敞臺殿崔巍峙平陸飛甍麗雲霞斗拱燦珠玉白  
日翳長林青天聳喬木鐘聲度遙岑梵音答深谷攜伴  
恣遨遊瞻眺娛心目人境多囂塵清虛幽賞足始悟方  
外閑愈覺市朝俗夕陽澹清照迴光映脩竹禪燈一點  
明觀心何靜穆

大覺寺詩

潘和道

人字

大覺寺

避暑入禪林蕭然清客心半窓脩竹滿一徑落花深把  
酒看山色移牀就樹陰晚來欲歸去風雨促新吟

許君徵

夜同友人投宿大覺寺

澄溪片筏逐輕鷗  
蓼葉蘆花景欲秋  
岸轉深林蕭寺近  
燈明禪榻竹房幽  
灘聲帶月來  
高枕梵響搖風入  
小樓此夜紅塵應不染  
閒憑清夢到瀛洲

禪林寺詩

潘城

天台人字子良號梅壑著天台勝蹟錄山川昆蟲百詠

宿禪林寺枕雲樓

雨從天面生雲自山中出  
夜來樓上眠如入蛟龍室  
挾纊身不溫紛紛潤餘溢  
况當山月殘窗外螻蟬疾我醉

朗吟哦主人獨趺膝謬以癡朽才曠古真豪逸誰知天  
地間升沉與得失飄然遠塵囂任意頗作述十日九日  
遊有興便揮筆余睡不回言鐘聲起禮佛曉光白滿牀  
朱拱多虛隙獨坐捲簾看東方上紅日

避暑禪林草堂

寺隱山空層拱好堂涵高蔭北窓涼坐來不覺人間夏  
野鳥聲中白日長

釋無可

禪林寺

台山朝拂隴勝地絕埃氛冷絕石橋月晴光華頂雲遠

泉和雪留幽磬帶松聞終斷遊方念爐香繼此焚

開巖寺詩

潘城

開巖寺

普通誰信肇巖開法界禪林倚石隈春暖白雲能作障  
秋深錦樹易成堆山空木末哀猿落海闊天邊瘦鶴來  
僧愛客清談話久日斜忘却施生臺

寧國寺詩

洪适

寧國寺

幾日山南北將期汙漫遊水痕秋雨過竹色曉煙收宦海何時了僧房爲少畱却尋歸去路餘興漫凝眸

廣嚴寺詩

陳 宏

廣嚴寺

疊嶂重巒勢欲吞紫雲白鶴護僧門一溪流遶山菴路萬樹陰連水竹村貧嫗有緣鐘尚在榮師無礙骨長存我來不盡登臨興援筆題詩拭蘚痕

潘 淵

遊廣嚴寺

迢遞來山寺斜陽照遠村寒鴉飛碧落微火近黃昏羅漢真容古翁婆古鑄存安排詩句好松月又當門

蔡宗堯

臨海人字仲父嘉靖丁酉舉人當塗知縣

遊廣嚴寺

廣嚴逾十里凝望夕陽間松偃前朝蓋師畱入定顏樓空橫翠濕僧共白雲閒晚吹聞人語猶疑別有山  
寒巖寺詩

潘日昇

人字

寒巖寺

曉行十里劍光寒今古名山第  
寺觀天柱纏蘿獮漢碧

井泉通海吐霞丹兩巖擁刹分獅象一綫穿楊隱鳳鸞  
試看崖前曾駐馬還畱遺跡點苔斑

謝少南

上元人字應午嘉靖間進士官廣西提學有粵臺橐

宿明巖寺

來宿明巖寺吾生非世緣氣涼天欲近山遠地應偏咫  
尺飛仙洞纈紛灌澗泉香林不須擇隨處可棲禪

普門寺詩

曾昇

人字

遊普門寺

正从方外侶身似白雲閒坐石依松蘚觀泉啓竹關久

來無相寺長憶普門山此日歸飛錫林端一鶴還

天姥寺詩

俞應肅

人字

遊天姥寺

攀蘿躡磴指山行  
行過桃源雨復晴  
竹裏僧閒留客坐  
林間鳥語雜人聲  
峰齊華嶽千年壯  
路入天台半日程  
却喜何公碑尚在  
相攜共醉法堂清

王性之

人字

遊天姥寺

望來詰屈山容首幾度攀蘿下復登巖峻曾留六月雪

松高嘗掛百年藤譚經白晝龍遊鉢說法深更佛現燈  
選勝謫仙雖有夢優閒老此却輸僧

田易

人字

遊天姥寺

路向南明沃深深上翠微山經太白夢鶴認道林歸幽  
賞憑攬葛高吟一振衣閒遊逢勝侶好共話元機

魯士

人字

遊天姥寺

天姥松篁一徑開爲招僧屐破蒼苔雲飛曲磴蓮華曉  
詩詠斜陽鶴翅閒採藥知當猶玩澗等仙應許到天台

平生刻亦非無興定有名山入夢來

真覺寺詩

俞邦鼐

人字

遊真覺寺

山僧洗鉢薦胡麻  
裊裊鐘聲隔院賒  
我欲尋真因到此  
東風吹落杖頭花

萬松菴詩

許鳴達

人字

遊萬松菴

萬株松樹一僧房  
午夢清虛借竹牀  
風雨乍驚茶鼎沸

起凭流水漱花香

洪若臯

遊萬松菴

峭嶺千層削雲菴石徑南松林寒日色花檻濕晴嵐野雀全無恐山僧半似憇殘碑多勝跡閒坐足幽探

阮澗菴詩

阮鶴

阮澗菴

洞鎖祥雲晝不開溪聲惆悵步蒼苔仙姬笑煮胡麻飯

前渡阮郎今又來

太平菴詩

顏邁

宿太平菴

欲尋開士與盤桓天姥峰西翠可餐脩竹疎搖千嶂綠  
平疇清瀉一溪寒雲因歸谷侵遊屐月爲吟詩到曲闌  
幽磬數聲塵想盡翛然半榻夢俱安

瀑布寺詩

鄭巢

瀑布寺

林疎多暮蟬臥去宿山煙古壁燈薰畫秋琴雨漫絃竹

間窺遠鶴巖上取寒泉西嶽莎房在歸期更幾年

桐柏宮詩

唐元宗

送司馬道士歸天台

紫府求賢士青溪阻逸入江湖與城闕異跡且殊倫間  
有幽棲者居然厭俗塵林泉先適性芝桂欲調神地道  
踰稽嶺天台接海瀨音徽從此間萬古一芳春

宋之間

寄司馬道士

臥來生白髮覽鏡已成絲遠愧食霞子童顏長自持舊

遊情鍊曠微尚刃磷縑不寄酒山藥何由東海期

孟浩然

桐柏宮

海泛信風帆夕宿逗雲島緬尋滄海趣近愛赤城好捫蘿亦踐苔轂棹恣窮討息蔭憩桐柏採秀弄芝草鶴唳清露垂雞鳴信潮早願言解纓紱從此去煩惱高步凌四明元蹤得二老紛吾遠遊意學彼長生道日夕望三山雲濤空浩浩

鄭

薰

人字子溥會昌中台州刺史累遷吏部侍郎後請老自稱七松處士

桐柏宮

深山桐柏觀殘雪路猶分數里踏紅葉全家穿白雲月  
寒巖隙曉風遠蕙蘭芬明日出雲去吹笙不可聞

任翻

人字一作人。寓臨海有早春詩。豈堪滄海畔爲客十年來則寓台久矣。

桐柏宮

飄飄雲外客暫宿聚仙堂半夜人無語中宵月送涼鶴  
歸高樹靜螢過小池光不得多時住門開是自忙

周樸

桐柏宮

東南一境清心目有此千峰插翠微人在下方衝月上  
鶴從高處破煙飛巖深水落寒侵蜀門靜花開色照衣

欲識蓬萊今便是更於何處學忘機

章得象

桐柏觀

萬仞攀蘿上翠岑豁然平地沈峰心參差珠樹和雲出  
咫尺丹霄有路尋洞口碧畦長種玉壇邊古篆欲生金  
桑田未變桃先熟惟見蓬萊水淺深

元積中

人字

桐柏宮

九峰巍絕亂雲屯石室瓊臺舊址存山嶮密盤之字逕  
洞深高闢丙方門碧桃花爛春溪暖紫玉簫沉月榭昏

未覺臺中光景晚人間歸去見來孫

楊維禎

桐柏宮

瓊臺高與上台直珠閣突在天中居致身福地恍如幻  
二十年前見畫圖水邊殘杯笑玉齒石間碁子逃老樵  
紫簫吹得鳳凰語風期約可呼王喬桐葉自換山中歲  
桃花不放人間春我來摘花題落葉便風寄與雲中君  
雲中君兮聿來下雲中徒兮列如麻帶得紫泥香一瓣  
天風吹滿赤城霞丹移舊井劍移窟鶴歸又是三千秋  
便當相從受寶訣與予定豹簇山顏

高似孫

桐柏宮

夙聞桐柏上下有金庭洞五雲所出沒千翠相迎送川  
明芝自秀夏冷雪猶凍沙泉注陽水蒼碧孕陰峒天光  
抱瓊壺神力扶蘭棟其左鬪蒼蚪其西翔紫鳳上穿穴  
竊複旁見石闕空青煙瀶松髓白水鳴醴甕怪草不知  
名珍禽自曳弄石蜜吐巖房琪芳突苔縫星君時一遊  
仙翁本參從或乘元鶴來或竝青鸞控香趁玉女跪丹  
走山靈慟谷神元不死元根在深種誰其握性命於此  
破昏夢世人少知幾何能測天用

蔡宗堯

桐柏宮

瓊臺雙闕自逶迤石磴盤旋路欲迷勝跡獨留仙去後  
靈山初到日斜時峰迴積翠龍歸遠竈冷還丹鶴化遲  
回首法宮深樹裏星壇空對鎖雲涯

洞天宮詩

釋允襲

訪玉霄宮山人不遇

策杖尋仙境沿溪踏落花雲深雞犬寂磴仄薜蘿賒薄  
霧蒸燭籠虛庭罩紫霞無緣逢鶴駕歸路暗空嗟

福聖觀詩

劉昭禹

人字

福聖觀

鰲海西邊地宵吟景象寬雲開孤月上瀑噴一山寒人  
異髮常漆草靈秋不乾無由此棲息魂夢在長安

張無夢

人字

福聖觀

天台瀑布落青天觀在天台瀑布邊道士祇今燒藥處  
僊翁曾是種芝田龍居古洞遺殘雨鶴出高巢點破煙  
晬別靈溪遊五嶽不知重到又何年

李見中

人字

福聖觀

永懷閒訪道斗上上仙居瀑水磬聲外桂林影疎山  
名孫綽賦觀額葛元書已負秋來約誅茅興有餘

曹

松

舒州人字夢徵光化四年登第時七十餘矣授校書郎卒有集三卷

瀑布

萬仞得名云瀑布遙看如織挂天台休疑寶尺難量度  
直恐金刀易剪裁噴向林梢成夏雪傾來石上作春雷  
欲知便是銀河水墮落人間合却回

玉京觀詩

夏竦

玉京觀

丹璧排空疊彩虹上真應此駐靈蹤  
煙沈曉日明孤頂雲破餘霞出半峰巖下法師曾伏虎洞中天子屢投龍  
他年翠蓋東巡狩玉牒終須受大封

金庭觀詩

張說

金庭觀

元珠道在豈難求海變須求鬢不秋他日洞天三十六  
碧桃花發共師遊

羅隱

送裴饒遊金庭

金庭路指剡山隈珍重良朋自此來兩鬢不堪愁歲月  
一卮猶得話塵埃家囊分此心空在世逼橫流眼未開  
笑殺山陰雪中客等閒乘興又須迴

劉旦

人字

遊金庭

衡嶽真人稱福地南齊高士寄幽柯赤城仙去騎丹鳳  
黑沼人傳詠白鶯一世風流俱寂寞千年氣象古崔嵬  
登臨不盡懷人恨惟有蒼蒼不可磨

墨池

大雅厭塵寰幽懷寄深谷渺渺金庭山天台相附屬石  
髓饑可吞赤水淨堪掬其中有墨池右軍畱軌躅千古  
濯清苔一泓浸寒玉明月移金鏡清風賞霧縠擬與中  
書君入山矢勿告

釋小白

金庭觀

羽客相畱宿上方金庭風月冷如霜直饒人世三千界  
未抵仙家一夜長

桃源觀詩

周益公

人字

桃源觀

桃源佳致絕塵埃惟有桃花樹樹開曉雨乍晴香作陣  
晚霞相映錦成堆觀中道士多幽趣席上詩翁試逸才  
劉阮欲尋仙子跡不須採藥到天台

章 穎

臨江人字字茂獻官至禮部員外郎書升侍讀

遊桃源觀

繞觀參天萬樹松倚欄時見翠重重一坰曉霧浮天外  
半夜歎濤落枕中莫雨斷猿愁暮歷夕陽飛鳥度屏風

尋丹欲問長生訣  
恐雲迷路辨不通

妙樂院詩

釋靈一

題妙樂院

王喬所居空山觀白雲至今凝不散壇場月路幾千年  
往往吹笙下天半瀑布西行過石橋黃精採根還採苗  
忽見一人擎茶碗蓼花昨夜風吹滿自言家處在東坡  
白犬相隨邀我過松間石上有棋局能使樵人爛斧柯

桃源院詩

袁冲

人字

桃源院

步入桃源洞煙霞杳靄間馬牙騰篆綠屐齒印苔班院  
靜鷺時下松高鶴未還道人何處去空負一躋攀

清風祠詩

王範

人字

遊桐柏宮

并序

暮春之日偶經此地少憩已命輿前導忽聞有  
伯夷叔齊舊蹟因散步觀之其祠頽然其香火  
寂然其石像二叩之鏗然余不禁嘆曰一方之  
神祇佛豫道人衲子慕興之者衆矣謂其禍福

人而頂禮之若孤竹君之二子立萬世之綱常  
伸于秋之大義所培世道人心豈淺淡者而竟  
漠漠若是耶旋以興廢之意授之牧斯土者因  
感而賦之

世人重神祇羣然裝廟宇世人信佛教相率談拂塵如  
何百世師斗室頽荒巒西山兩行踪千古倫常主耶萬  
止數言至今生氣吐古之賢人兮吾儕繩其武起廢何  
人斯亭曠守以虎

其二

我尋夷齊跡巍然三像存萬古綱常重千駟何足論明

月長爲主山靈時護門遺封嫌分手貞魄喜同軒到今  
生氣凜叩石足興言

成仲龍

人字

讀桐柏宮夷齊詩序感賦

山作郭城雲鎖扉寒光冷况襲人衣居民俎豆休陳設  
不及當年舊采薇

其二

避人高蹈海天東終古香生桐柏宮桐柏參天陰籟遠  
不隨世代改清風

其三

不用莊嚴不用泥兩尊石像奉夷齊敢將繪塑污顏色  
畱取癯容醒世迷

戴唐獻

清風祠

綠樹深扃不掩扉雲爲香火霧爲衣天台贏得多芝草  
還與先生薦蕨薇

張元聲

過清風祠

立懦廉頑重八荒妻清祠宇冷山鄉欲知當日悲歌處  
瑟瑟寒風度夕陽

謁夷齊石像

首陽饑餓子此地拜精英在昔薇堪採於今石似生千  
年人已去百世義誰擇日夕寒風起猶聞叩馬聲

馮甦

清風祠

嶺聳遙逾廣巒迴山更空古殿倚木末傳是金庭宮構  
遠始柯伏壁破莓苔蒙得瞻夷齊像猶憶首陽風國棄  
若脫屣蹀躞射何隆崇代隔幽明翼理感天人通孰知世  
戰爭猶爲帝三公局促戀浮生俛仰慚昔蹤

仇兆鰲

清風詞

陵谷難遷桐柏宮西山二子委蒿蓬丹臺岑寂寒雲裏  
古像飄搖細雨中四面空憐環翠嶂一樣誰與葺清風  
梭溪日夕滔滔去鶴怨猿驚悵未窮

張聯元

清風祠

往日仙都事已非堂堂遺像又安歸求仁北海甘遺世  
抗志西山誓採薇百代誰無清節慕九峰時有白雲飛

殘碑蝕盡無從覓應整軒楹配子微

予自壬辰春一麾出守初不知桐柏

宮有夷齊石像也及擬輯山志並於丙申初夏游台山旋郡知宮觀傾圯遺像飄搖因議詳重建擬以司馬承

之  
禫配

陳王謨

清風祠三律

千古君臣義憑將一餓存首陽甘蕨菜桐柏薦芳荪貌  
想商周古風懷道德尊至今天下士清議滿乾坤

僕射誠虛語明禋禮夙豐絕嗤淫誚俗深足立廉風遺  
像斜陽外荒祠伏莽中近濶脩舊典佇見几筵崇時余  
張師

公爲郡守  
議脩此祠

許君徵

清風祠夷齊石像歌

幾不餐成周粟貧不受姪氏祿採薇甘餓西山岑西山  
縹緲留芳躅我今躡衣桐柏峰清風祠前秋草綠二人  
遺像何軒然睨傲千古天地促山深如聞皇農歌日冷  
苔荒風簇簇擬將峰頭飛瀑水一洗乾坤清似玉

劉阮廟詩

許君徵

過劉阮廟

剡山高峙剡溪深古廟千年枕碧澣有路應通雲洞去  
無人知向翠微尋蒼苔夜月雙娥冷黃葉秋風獨客吟  
早識仙家靈境異悔從人世逐風塵

補遺

賈恒

壑中

誰遺一壑在空山天與山人待老閒石面不因溪雨散  
杖頭猶帶夕陽還鶯花漸改人間世厓壁猶存太古顏  
流水自嫌遊未數灘聲對我益潺潺

王士性

惡溪道中聽猿聲

惡溪不可涉流水亦何心石觸雲根出灘回層巒深繫  
霜砂際白落葉渡頭陰轉憶巴巫道青猿兩岸吟

王思任

發桑洲驛

仙館賒爲驛丹峰面面窺溪牀饒雨夢山竈半雲炊共  
挈龍陂杖來尋鳥道碑石梁天欲斷霞背有人騎

潘耒

寒風闌

大小寒風闌高高插紫清風來嫌骨重雲至覺身輕借  
問趨丹陛何如訪玉京樵蹤欲斷處鹿出萬松迎

珠簾泉

一片銀河水空懸濺作珠輕勾落勢緩娟妙織痕無皎

淚傾千束仙衣拂六銖垂簾應有意深洞鎖龍姝

張聯元

雜詠

朝真壇畔會仙亭此日空從蔓草經煙雨不隨陵谷變  
朝朝仍抱九峰青

其二

光花種種鬪春風躡躅千雲邃谷中風信幾番開乍了  
石橋又報鶴翎紅

其三

寒山千古獨冥搜路入重巖步步幽翠壁丹崖多幻景

漫從馬跡認閭丘

顏允珏

水索

蒼藤怪石與雲連  
檻倚層巖別一天  
危磴無勞剗竹覓

一痕水索下飛泉

福聖觀故址

天台一觀已成墟  
脣度尋遺感慨餘  
飛瀑依然懸碧落  
何從重訪紫霄居

馮尹齋

冰玉版紙

送人遊天台

暫遊行李少幾日到天台船帶落潮發月從前浦來花  
源香不斷藥地綠成堆莫學他劉阮經年忘却回

戴

昺字景明號東塾

崇川人嘉定己卯登第授贑州法曹參軍有農歌集鈔

策輿軋輋過清溪溪上梅花壓水低月影漸收天半曉

兩山相對竹雞啼

黃

庚

字星甫天台人著有丹屋漫稿

偶書

頻年踪跡隨江湖三徑苔荒憶舊廬身老方知生計拙  
家貧漸覺故人疎松薪拾去朝炊黍漁火分來夜讀書

怨鶴驚猿應待我台山何日賦歸歟

程鉅夫

字遠齋御史中丞世祖詔求賢江南薦趙孟頫等二十餘人著有雪樓集

送戴道士住天台

君承恩命住天台萬壑千峰繞絳臺門外露川浮溟涬  
杯中雲海接蓬萊時同呼鶴看桃去或領山猿採藥廻  
三十年前吾亦到舊題應入白雲堆

柳 貫

字道傳浦口人翰林待制兼國史院編修著有待制集

送葉道士歸天台

北斗光中曳翠旗五城樓觀極巍巍乘山不鑄黃金鼎  
孤丘空垂白羽衣石井劍花飛夜氣玉田芝草蠟春暉

大台仙子應招隱萬壑梯飈有鶴歸

陳晦光

字德輝號東山弘治戊午舉人長汀教諭

題紫陽化身處

先生羽化已多年喜見新祠傍水邊金鼎久封丹竈火  
玉爐香起紫陽烟鶴歸華表春長在雲散西江月正圓  
要識神仙原有術不須長誦悟真篇

盧濬

遊天封寺

踏到天封景愈奇筭來真赴十年期藤蘿一笑諸天近  
梅柳休嫌疋馬遲清磬短簷僧已定白雲流水客何之

獨憐世路多荆棘侵曉鶯聲亂若卮

罷

櫟

字弘壽號瓊臺天台人

天封道中

春日上天封崖花照眼紅路盤深谷裏寺隱萬山中雲  
外開重嶂橋頭蔭古松我來新雨霽溪上夕陽春

魯崇志

字茂功天台人景泰甲戌進士應天府尹

思天台山

名山多說天台秀勝槩巒踪眼界賒隨地有苗多藥草  
經春無水不桃花萬松夾徑紺摩刹雙闕凌虛道士家  
顧我別來嘗夢想西風幾載隔天涯

潘淵字默之號雙澗天台人馬平雲夢知縣

桃源

一溪水曲松陰斜不見雙株路轉賒却恨劉郎動歸思  
碧桃千樹爲誰花

玉霄峰

步入深山興轉賒脣嚬低處盡烟霞手依北斗扳明月  
日送東溟過遠槎榻下有緣參白足袖中無意放青蛇  
山童知我詩腸澁破竹牽泉煮細茶

曹宜約字以禮號友橘天台人

華頂晴雪

千山晴雪浩漫漫華蓋峰高曉眩看銀地遠聯光晃朗  
瓊臺孤並勢高寒猶疑海上冰蓮涌自覺胸中水鏡寬  
毛骨洒然渾不禁凌風直欲迅飛翰

丁不號巢雲天台人

桃源

桃源渺何許雲樹隔重重紅泛落花水青擣過兩峰深  
幽還著履陟險更扶筇仙子終難遇含情獨倚松

季不字輔夫號一齋天台人

明巖

未扣主生院先經八寸關文殊果何在  
尋丈玉知難

抱十年夢僧偷半日閒荒碑無個字今占一青山

余世安字汝正天台人中府訓導

天封訪僧遇雪

昔年曾踏白雲層百折羊腸逕石藤訪寺又來前度客  
入門還有舊迎僧竹邊坐酌杯涵影雲裏題詩筆帶冰  
自笑衝寒忘力倦折梅還上最高屏

徐列

字惟深天台人潮州通判

陳華南以台山百咏卷見示賦贈一律

雲壑幽棲不記春悠然太古葛天民遨遊諸勝頻多咏  
博極羣書廣授人予已投簪忘世態君堪出社結風塵

卷十八  
相期登眺桃源景歲歲花開訪玉真

賈恒

壑中

誰遺一壑在空山天與山人待老閒石而不因溪雨散  
杖頭猶帶夕陽還鶯花漸改人間世厓壁猶存太古顏  
流水自嫌遊未數離聲對我益潺潺

徐人文字子全天台人孝豐教諭

石橋

危崖對峙跨長虹融結元非斧鑿工兩澗奔流晴噴雪  
羣峰抱秀翠浮空曇華上接雲霄表梵樂遙傳杳靄中

到此惘然興

却疑身在夢珠宮

王士性

惡溪道中聽猿聲

惡溪不可涉流水亦何心石觸雲根山灘回蜃窟深繁  
霜砂際白落葉渡頭陰轉憶巴巫道青猿兩岸吟

王思任

發桑洲驛

脩館賒爲驛丹峰面面窺溪牀饒雨夢山籠半云炊共  
望龍波杖來尋鳥道碑石梁天欲斷霞背有人騎

法

海字悔翁奉天人甲戌進士廣東巡撫

游天台山

山有青松洞有花玉京曾此訪仙家赤城便入天台路  
說與遊人認紫霞

其二

桃源洞裏白雲堆洞口桃花三月開若是神仙不歸去  
劉郎畢竟是凡材

其三

十里松門雙澗流國清寺外海風秋詩人自得其山趣  
不與閒僧說浪遊

其四

崎壁石梁雲外探飛流直落惠清潭愛山自笑多成爛

何日前川結草菴

其五

華頂峰高霄漢間洞天處處白雲閒大名不肯齊方嶽  
號別東南隱者山

其六

和人步月上瓊臺星斗魏峩雙闕開別洞正當丹桂滿  
天風次下異香來

其七

掛冠何必又禪冠退步難於進步難今古遙途同未遠

悔山畱與悔翁看

其八

芒鞋竹杖轉瑤池  
風雨前村自不知  
松外老僧歸洞去  
寒巖又是夕陽時

潘 束

寒風闌

大小寒風闌  
高高插紫清  
風來嫌骨重  
雲至覺身輕  
借問趨丹陛  
何如訪玉京  
樵蹤欲斷處  
鹿出萬松迎